

Kapitali 1. AALLAQQAASIUT

Peqqinnissakkut Nakkutilliisoqarfik aprilip aallaqqaataanit 2009 aallarnerfigalugu nutaamik atertaarpoq tassaalerluni Nunatsinni Nakorsaaneqarfik. Ingerlatsineq pisussaaffiillu allannguuteqanngillat.

Nunatsinni nakorsaaneq naalackersuisoqarfinni pisortat allat assigalugit toqqaannartumik Ilaqutarinnermut Peqqissutsimullu Naalackersuisoqarfimmi naalackersuisumut attaveqartartussaalerluna.

Taamaalilluni peqqinnissaqarfiup Peqqinnissakkullu Nakkutilliisoqarfiup akornanni attaveqatigiittarnerup ataqatigiissuunnginnera erseqqissaavigineqarpoq.

Peqqinnissakkut Nakkutilliisoqarfiup inatsisitigut tunngavissarisaa tassaavoq Peqqinnissaqarfiup aqunneqarnissaa aqqissugaanissaalu pillugit Inatsisartut Peqqussutaat nr. 3, 23. maj 2000-imeersoq.

”§5. Peqqinnissamik sulinermit tunngasut pillugit allatigullu Naalackersuisunut pisortaarfinnullu siunnersuisarlunilu allatigut ikiuuttartussamik Naalackersuisut Peqqinnissakkut Nakkutilliisoqarfiliussapput.

Imm. 2. Aammattaaq Peqqinnissakkut Nakkutilliisoqarfiup Naalackersuisut peqqinnissakkut pissutsit qanoq inneri pillugit nakkutilliineranni ikiortassavaat inuillu peqqinnissaqarfimmi sulisorisat peqqinnissakkut ilinniakkatik atorlugit sulinerat nakkutigissallugu”.

”§6. Nakorsaq peqqinnissakkut nakkutilliisuutitaq peqqinnissaqarfimmit unioqquitsinernik amigaatinilluunniit paasisaqaruni pisariaqartitsineq naapertorlugu oqartussaasunut pineqartunut ilisimatitsissaaq. Aammattaaq peqqinnissamut tunngassutilinni immikkut pisoqartoqalersillugu Nakorsaq peqqinnissakkut nakkutilliisuutitaq tamanut ammasumik paasisutissisassaaq.”

”§7. Peqqinnissakkut Nakkutilliisoqarfiup sulinera pillugu Naalackersuisut erseqqinnerusumik maleruagassiortussaapput.”

Peqqinnissakkut Nakkutilliisoqarfiup sulinissaa pillugu Namminersornerullutik Oqartussat Nalunaarutaanni nr. 1-imi 4. januar 1996-imeersumi suliassat aalajangersaavigineqarsimapput. Peqqinnissakkut Nakkutilliisoqarfiup:

1. Kalaallit Nunaanni inuiaqatigiit peqqissusaat nakkutigisarissavaa.
2. Naalackersuisumut oqartussaasunullu allanut peqqinnissalerinnermut tunngasuni, soorlu pinerlineqarsimasunut tunngasuni, inuit inuunerminnik ingerlatsinerminni nappaateqalersarnerannut avatangiisinullu tunngassuteqartuni siunnersuisassalluni.
3. Nakkutiginnittuuffigissallugit a) inuit ataasiakkaat peqqinnissalerinerat, sulisinnaassut-simut peqartut peqanngitsullu aamma b) peqqinnissaqarfiup sulliviutai (napparsimma-viit, paaqqutarinniffiit il.il.), aamma atuarfinni, ulluklut paaqqinnittarfinni, isertitsivin-ni il.il.

4. Nappaatinut tunngassuteqartut pillugit kisitsisitigut paasissutissat katersorlugillu suliarisassallugit.
5. Napparsimasut Peqqinnissakkut Sullinneqarneranni Naammagittaalliuteqartarfimmut suliaq pillugu saqqummiussisassalluni.
6. Eqqartuussisutut politiitullu oqartussaasuni nakorsap peqqinnissakkut nakkutilliisuutitap peqataaffigisariaqagaani, assersuutigalugu ataatassarsiuinerni, qamutininik motorininik ingerlatsisinnanermut uppernarsaatit pillugit suliani, eqqarsaatimikkut nappaatilinik katsorsaanermi pinngitsaaliissummik unitsitsinerni, ikiuuttassalluni.

Paasissutissat pitsaassuseqarluartut pulaffigalugit paasissutissanik ujarlerfigisinnanissaat piffissap ilaani ingerlasumi peqqissutsip qanoq issimanerata malinnaavigisinnanissaanut allanullu nunap iluani avataanilu naleqqiussisinnanissaanut tunngavissisassapput. Nalunaarsuutit tatiginartut tassaapput politikkikkut iliuusissanik qinerlernermit tullerriinarinissamullu pisariaqartunut tunngaviuvittussat, aammalu tassaallutik Kalaallit Nunaanni peqqinnissalerinermi pilersaarusiornermut peqqinnissaqarfiullu aquneqarnissaanut tunngavissanik qulakkeereqataassat.

Peqqinnissakkut Nakkutilliisoqarfik paasissutissanut nalunaarsuutitut makkununga tunngassuteqartunut katersiviuvoq:

1) Erninerit pillugit nalunaarutaasartut, 2) toqusut allagartaat, 3) akuerisaasumik naartuersinnerit naartulersinnaajunnaartitsinerit naartulersitsisinnaajunnaarsitsinerillu, 4) nappaatit tuniluutartut (soorlu TB, meningitis, nappaatit atoqatigiinnikkut tunillaasut il.il.), 5) kræfteqarnerit, 6) napparsimalersinnaanernut kapuinerit, 7) maalaarutit, 8) peqqissaasut peqqissaasutut sulisinnanissamut akuersissutaat, 9) inunnguutsimi innarluutit, kiisalu 10) pinngitsaaliissummik inisiisarnermik nalunaarutit.

Peqqinnissakkut Nakkutilliisoqarfiup sulineranut pingaartuuvoq qallunaat peqqinnissakkut oqartussaasuinut soorlu Statens Serum Institut-imut aamma Sundhedsstyrelse-mut qanittumik inerititaqarfiusumillu suleqateqarnissaq.

Nunani Avannarlerni nunanilu tamalaani suleqatissatut qanittumik attaveqarnissaq pisariaqartinneqarpoq.

Peqqinnissakkut Nakkutilliisoqarfik aningaasartuutissatut missingersuusianik 4,5 mill. koruuninik atugassaqartitaalluni Peqqissutsimullu naalakkersuisoq toqqammavissaralugu aqqis-suussaanikkut immikkut inissisimavoq.

NUNATSINNI NAKORSAANEQARFIMMI ALLAFFISSORNIKKUT INGERLATSINEQ

2008-imi makku atorfeqarsimapput:

Nakorsat qullersaat Flemming Kleist Stenz

Immikkoortortami pisortaq Jytte Hey, 1. juuni 1994-imiit soraarninngortorlu 1. maj 2008

Kontorfuldmægtig Tania Dyreborg Broberg

Peqqissaasoq, MPH, Turid Bjarnason Skifte

Taartaasut:

Marie Olsen piffissami 24. november 2008-imiit 23. april 2009-imut, Tania D. Broberg-ip ernereerermi sulinngiffeqarnerani taartaasuusoq.

Helene Holm piffissami 20. november 2008-imiit 4. marts 2009-imut, Tania D. Broberg-ip ernereerermi sulinngiffeqarnerani taartaasuusoq.

Nakorsat qullersaat Henrik Trykker 7. juli 2008-imiit 25. juli 2008-imut.

Akunermusiaqarluni allaffimmi kisitsisitigut naatsorsueqqissaarluni ikiortitut sulisimasooq:

Aviaq Jørgensen piffissami

Tupaarnaq Broberg piffissami 20. juuni 2008-imiit

Nunatsinni Nakorsaaneqarfiup (NUN-ip) 2008-imi isumasioqatigiinnerit, ataatsimiinnerit pikkorissarnerillu ilaaffigisimasai:**Isumasioqatigiinnerni ataatsimiinnernilu ilaasut:**

CDC-International Conference on Emerging Infectious Diseases, Atlanta	16. – 30. marts	Flemming K. Stenz
NOMESCO, Thorshavn	5. – 6. maaji	Flemming K. Stenz
Internationale Symposium on Pneumococci & Pneumococcal Diseases, Island	6. – 12. juuni	Flemming K. Stenz
Nordisk Medicinaldirektørmøde, Åland	20. – 23. augusti	Flemming K. Stenz
ICS-Helicobacter, Danmark	16. septemperi	Flemming K. Stenz
ICS-Hepatitis, Danmark	17. – 18. septemperi	Flemming K. Stenz
Pandemi-workshop i Sigtuna, Sverige	21. – 23. oktoberi	Flemming K. Stenz
CESOIRS, Projekt vedr. seksuelt overførte infektioner og reproduktiv sundhed, Danmark	12. novemberi	Flemming K. Stenz
NOMESCO, København	17. novemberi	Flemming K. Stenz
Infektionsmedicinsk Symposium	14. – 16. marts	Flemming K. Stenz Turid B. Skifte Jytte Hey

Pikkorissarnerit:

Forsvar masterafhandling, Nordiska Högskolan för Folkhälsovetenskap, NHV, Göteborg	7. marts	Turid B. Skifte
NHV, Göteborg	12. – 23. maaji	Turid B. Skifte

Nakkutilliilluni angalanerit:

Ittoqqortoormiit nakkutilliilluni angalanissaraluq pilersaarutaasimasooq – Silap ajornera pissutigalugu unitsinnarneqartoq	08. – 12. aprili	Flemming K. Stenz Turid B. Skifte
Tasiilami nakkutilliilluni angalaneeq	13. – 16. aprili	Flemming K. Stenz Turid B. Skifte